

Headlines

- 1 प्रधानमंत्री नरेंद्र मोदी होरें आखेआ जे एनडीए सरकार दी पैहली प्राथमिकता जनजातीय समुदाएं आस्तै शिक्षा, इलाज ते रोजगार ऐ ते सरकारी स्कीमां एहदा सबूत ऐ।
- 2 भगवान बिरसामुंडा महान जनजातीय नेता ते स्वतंत्रता सेनानी हुंदी 150मीं जयंती पूरे जम्मू संभाग च मनाई गेई।
- 3 गुरु नानक देव जयंती, गुरु पूरब भारत सने पूरी दुनिया च धार्मिक जज्बे ते खुशी कन्नै मनाया जा'रदा ऐ।
- 4 जंगलें च रौहने आहले लोक सैले खजाने दे बाढ़े ते बचाऽ च इक महत्वै आहली भूमिका निभांदे न, आखेआ मंत्री जावेद राणा होरें।

<><><><><><>

PM-Janjatiya

प्रधानमंत्री नरेंद्र मोदी होरें आखेआ ऐ जे राष्ट्र जनतांत्रिक गठबंधन सरकारै दी सब्बनें शा बड्डी प्राथमिकता जनजातीय समुदायें लेई शिक्षा, इलाज ते रोजगार रेई ऐ। उनें गलाया जे सरकार नै बक्ख-बक्ख कल्याणकारी योजना राएं जनजातीय समुदाय गी मुखधारा च शामिल कीता ऐ। श्री मोदी होरें आखेआ जे उंदी सरकार सिकल बमारी दे खात्मे लेई ईमानदारी कन्नै कम्म करा करदी ऐ। उनें गलाया जे 700 शा बद्द एकलव्य स्कूल खोले गेन, इंदे अलावा अनुसंधान केंद्र ते युनिवर्सिटिएं बी खोलियां गेइयां ना। प्रधानमंत्री होर अज्ज हिर दे जमुई जिले च 6 ज्हार 600 करोड़ रपे शा बद्द दियें परियोजनां दा उद्घाटन ते नीहू पत्थर रखने परेंत इक्क सभा गी संबोधित करा करदे हे। उनें आखेआ जे सरकारै जनजातीय समुदाय दी रिवायती ते लोक चिकित्सा गी संभालेआ ऐ ते हुन विश्व सेहत संगठन कन्नै रलियै इसी सुचारू बनाने ताई कम्म करा'रदी ऐ। प्रधानमंत्री होरें आखेआ जे उनें पी.एम जन मन ते धरती आभा जनजातीय उत्कर्ष ग्राम अभियान रम्भ कीता ऐ। एहदे च जनजातियें गी सिद्धा लाहू यकीनी बनाइए बेहतर नतीजे सामने आए ना। प्रधानमंत्री होरें जनजातीय समाज लेई ऐसी पहल करने लेई राष्ट्रपति द्रोपदी मुर्मू हुंदा धन्नवाद कीता। उनें इस मौके पर आदिवासी जिलें च बिरसा मुंडा गौरव उपवन रम्भ करने दी घोशणा कीती। प्रधानमंत्री होरें कांग्रेस पार्टी दी निंदेआ करदे होई आखेआ जे आजादी दे मगरा तत्कालीन सरकारें बिरसा मुंडा, सिद्धू कान्हू ते होर दुए आदिवासी दिलेर दे योगदान गी घट्ट करने दी कीती पर एनडीए सरकारै उस नजरिये गी बदली दित्ता। श्री मोदी होरें अज्ज बिहार दे जमुई च बिरसा मुंडा हुंदी 150मीं जयंती पर लगे दे इक्क समारोह च हिस्सा लैता। उनें भगवान बिरसा मुंडा दे मानै च इक यादगिरी सिक्का ते डाक टिकट जारी कीता। बिरसा मुंडा हुंदी जयंती गी जनजातीय गौरव दिवस दे तौरा पर मनाया जंदा ऐ।

<><><><><><>

Jayanti-Diwas Jammu

भगवान बिरसा मुंडा हुंदी 150मीं जयंती दे मौके पर प्रधानमंत्री नरेंद्र मोदी होरें अज्ज उंदे नां पर जनजातीय गौरव दिवस दी शुरूआत कीती। इस गौरव दिवस च जम्मू-कश्मीर दे उपराज्यपाल मनोज सिन्हा होरें बी एहदे च वर्चुअल ढंगै नै हिस्सा लैता। मुख समारोह जम्मू दे कन्वेंशन सेंटर च लगा जित्थें जम्मू-कश्मीर दे जल शक्ति, जंगलात ते जनजातीय मैहकमें दे मंत्री जावेद राणा हुंदे कन्नै जम्मू थमां सांसद जुगल किशोर शर्मा होर बी शामिल होए। प्रधानमंत्री होरें बिहार थमां गौरव दिवस दी शुरूआत

कीती ते 150 ते 5 रुपें दे डाक टिकट जारी कीती। इस मौके वीडियो कांफ्रेंसिंग रायं बोलदे होई उपराज्यपाल मनोज सिन्हा होरें आखेआ। जल शक्ति, जंगलात ते जनजातीय मैहकमे दे मंत्री जावेद राणा होरें आखेआ। सांसद जुगल किशोर शर्मा होरें गलाया।

<><><><><><>

JJD-Samba

अज्ज साम्बा जिले च बी धरती आभा जनजातीय ग्राम उत्कर्ष अभियान तैहत भगवान बिरसा मुंडा हुंदी 150मीं जयंती मनाई गई। समारोह च बोलदे होई साम्बा दे डीसी राजेश शर्मा होरें आखेआ।

<><><><><><>

JJD-Reasi

इस्सै चाल्ली दा कार्यक्रम रियासी जिले च बी आयोजित कीता गेआ। एहू कार्यक्रम भारत दे सुतंत्रता संग्राम च उंदी महत्वै आहली भूमिका गी चेता करदे होई श्रद्धांजलि देने ते देसै दे विकास च आदिवासी समुदायें दे टकोहदे जोगदान दा जश्र मनाने ताई कीते गेदा हा। इस मौके रियासी उपायुक्त विशेष महाजन होरें आखेआ।

<><><><><><>

JJD-Udhampur

जिला प्रशासन उधमपुर नै अज्ज 15 नवंबर गी सुतंत्रता सेनानी भगवान बिरसा मुंडा हुंदी 150मीं जयंती दे मौके पर उधमपुर च जनजातीय गौरव दिवस मनाया। डीडीसी चेयरमैन लाल चंद होरें पंचैती राज संस्थानें ते जिलाधिकारियें कन्नै भगवान बिरसा मुंडा होरें गी श्रद्धांजलि भेंट कीती। लाल चंद होरें बिरसा मुंडा हुंदे जीवन ते चुनौतियें पर गल्ल कीती जिनें 25एं बरें दी बरेसू च अंग्रेजें दे जुल्में खलाफ लड़दे होई अपने प्राणें दी आहूति देई दिती ही। इस मौके पर नोडल अधिकारी सुभाष डोगरा होरें बोलदे होई आखेआ।

<><><><><><>

JJD-Kathua

जिला प्रशासन कठुआ नै बी अज्ज डी.सी दफ्तरै दे कांफ्रेंस हाल च जनजातीय गौरव दिवस दे उपलक्ष्य च इक्क कार्यक्रम दा सरिस्ता कता। डीडीसी चेयरमैन रिटायर्ड कर्नल महान सिंह, उपाध्यक्ष डीडीसी रघुनंदन सिंह, एडीसी कठुआ रणजीत सिंह ते होर दुए जिला ते क्षेत्रीय अधिकारी मौजूद हे। इस मौके बोलदे होई डीडीसी चेयरमैन कर्नल महान सिंह होरें आखेआ।

<><><><><><>

JJD-Kishtwar

किश्तवाड़ दे जिला प्रशासन नै जनजातीय गौरव दिवस समारोह तैहत अज्ज मेगा जनजातीय उत्सव दा कामयाबी कन्नै सरिस्ता कीता। एहू कार्यक्रम चौगान मैदान च आयोजित कीते गेदा हा। एहदे च आदिवासी रिवायतें दा प्रदर्शन कीता गेआ। कार्यक्रम दा मकसद इनें रिवायतें गी बढ़ावा देना ते किश्तवाड़ दे सांस्कृतिक तानेबाने च उंदी महत्वै आहली भूमिका पर बल पाना हा। किश्तवाड़ दे डीसी आर.के सवन, एसएसपी किश्तवाड़ अब्दुल क्यूम हुंदे सने होर दुए आला अफसरें शिरकत कीती।

<><><><><><>

Gurupurab-celebration

गुरु नानक जयंती, गुरुपूर्व अज्ज पूरे धार्मिक जज्वे ते जोश कन्नै पूरे देश च मनाया जा'रदा ऐ। इस पवित्र ध्याड़े सिखें दे पैहले गुरु, गुरु नानक देव जी दा जन्म होआ हा जिनें सिख पंथ दी स्थापना कीती ही। पूरी दुनिया च रवा'रदे सिख श्रद्धालु अज्ज गुरुद्वारे जाइए मत्था टैकदे ना। गुरुद्वारें च लक्खें लोकें आस्तै लंगर प्रसाद दा प्रबंध कीता जंदा ऐ जियां के गुरु नानक देव होरें समानता, सेवा ते बंडिए खाने दी सारें गी शिक्षा दिती दी ऐ। राष्ट्रपति द्रोपदी मुर्मू, उपराष्ट्रपति जगदीप धनखड़ ते प्रधानमंत्री नरेंद्र मोदी होरें सारें

गी गुरु जयंती दी शुभकामनां दित्तियां ना। गुरुपर्व कार्तिक पुण्येया आहले दिन मनाया जंदा ऐ जेड़ा गै हिंदे कलंडर दे कार्तिक महीने दी पूर्णमासी गी औंदा ऐ। देश दे बक्ख-बक्ख हिस्सें च बड़लै मूहं न्हरे गै लोकें धार्मिक श्रद्धा कन्नै नैहरें-तलाएं च चलुब्बी लाइए प्रार्थना कीती।

<><><><><><>

Prakash-Utsav

गुरु नानक देव जी हुंदा 555मां प्रकाशोत्सव अज्ज बड़े जोश ते जज्वे कन्नै पूरे जम्मू च मनाया गेआ। इस मौके खास कार्यक्रम बीबी चांद कौर गुरुद्वारा जम्मू च आयोजित कीता गेआ। उधमपुर च बी इस खास ध्याड़े खास आयोजन कीता गेआ। श्री गुरुद्वारा सिंह साहिब, उधमपुर च ज्हारें दी गिनतरी च पुजिए लोकें मत्था टेकेआ। गुरु नानक देव जी दी शिक्षाएं पर रागी जत्थें ते सिख धार्मिक गुरुएं लौस पाई।

<><><><><><>

Rana-Forest

जल शक्ति, जंगलात, पर्यावरण ते जनजातीय मामलें दे मंत्री जावेद अहमद राणा होरें कल FRA दावें दा जल्द नबेड़ा ते जंगलात प्रबंधन च जनजाति समुदाय गी शामिल करने दे निर्देश दित्ते। रिवायती तौरा पर जंगलें कन्नै जुड़े दे लोक इंदे रख-रखाव च ते सैली धरोहर गी संभालने च अहम भूमिका निभांदे ना। जावेद राणा होर सिविल सचिवालय, जम्मू च जंगलात मैहकमे दे कम्मकाज दा जायजा लैने आस्तै इक बैठक दी अध्यक्षता करा'रदे हे। अतिरिक्त सचिव होरें इक पावर प्वाइंट पेशकश जरिए जंगलात मैहकमें दे कम्मकाज दी तफसीली जानकारी ते जम्मू-कश्मीर दी जीडीपी च जंगलातें दे योगदान बारै बी दस्सेआ। मंत्री होरें जंगलें पर निर्भर लोकें आस्तै विभाग बक्खियां कीते दे कम्म, उंदी मदाद कन्नै जंगलें दा बचाव, वैज्ञानिक तरीकें कन्नै जंगलें दा प्रबंधन, रूख-बूहटे लाना, मकामी तौर पर लकड़ी दी जरूरत, जंगलें थमां हासल होने आहिलियां होर चीजें बारै बी जानकारी हासल कीती। राणा होरें वरिष्ठ अधिकारिएं गी बगैर कुसा चिर दे जरूरी परियोजनां पूरी करने आस्तै आखेआ।

<><><><><><>

Shah-Birsa Munda

गृहमंत्री अमित शाह होरें अज्ज आखेआ जे भगवान बिरसा मुंडा भारत दी स्वतंत्रता संघर्ष दे इक महान नायक ना। नमीं दिल्ली च वानसेड़ा पार्क च जनजातीय गौरव दिवस दे मौके बिरसा मुंडा हुंदी प्रतिमा परा पर्दा गोआड़ने मगरा शाह होरें आखेआ जे जनजातीय समुदासय म्हेशां गै भगवान बिरसा मुंडा हुंदा आभारी रौहग। उनें आखेआ जे लौहकी उम्री च गै बिरसा मुंडा होरें अपना जीवन राष्ट्र ते जनजातीय लोकें गी अगड़ा करने ते निमित्त लाया। जल, जमीन ते जंगल, जनजातीय समाज आस्तै जरूरी न ते एहदे सरबंध च जागरूकता फैलाने आस्तै बी बिरसा मुंडा होरें बड़ा योगदान दित्ता। गृह मंत्री होरें आखेआ जे नौजोआनें आस्तै बिरसा मुंडा होर म्हेशां प्रेरणादायक बने दे रौहडन।

<><><><><><>

Jayantiya-Scindia

केंद्री संचार ते पूर्वोत्तर क्षेत्र विकास मंत्री ज्योतिरादित्य सिंधिया होरें आखेआ ऐ जे उंदा मंत्रालय ते त्रिपुरा सरकार प्रधानमंत्री नरेंद्र मोदी हुंदी अगुवाई च राज्य च जनजातीय समुदाय दे विकास बक्खी कम्म करा करदी ऐ। अगरतला च भगवान बिरसा मुंडा हुंदी 150मीं जयंती पर लग्गे दे इक्क कार्यक्रम गी संबोधित करदे होई श्री सिंधिया होरें आखेआ जे जनजातीय समुदाय दा इतिहास महान

ते विस्तृत ऐ। उनें गलाया जे भगवान बिरसा मुंडा होरें ना छड़ा जनजातीय समुदाय ताई सगुआं देसै दे लोकें ताई लड़ाई लड़ी ऐ ते राश्ट्री झंडे गी उच्चा रखने आस्तै उनें अपनी जिंदू दा बलिदान देई दित्ता।

<><><><><><>

Bal-Sahitya-Awards

साहित्यिक अकादमी नै कल बाल साहित्य पुरस्कार 2024 कन्नै 23 लेखकें गी सम्मानित कीता। इनें लेखकें बक्ख-बक्ख भारती भाशा च बच्चें आस्तै साहित्य च अहम योगदान दित्ता ऐ। हर लेखक गी ईनाम च इक तांबे दा पत्र ते 50 ज्हार रपे दित्ते गए। इनें लेखकें बक्ख-बक्ख भारतीय भाशाएं च बच्चें आस्तै साहित्य च अहम योगदान दित्ता ऐ। हर लेखक गी ईनाम च इक तांबे दा पात्र ते 50 ज्हार रपे दित्ते गए। अकादमी दे उप प्रधान कुमुद शर्मा होरें जेत्तुएं दा आभार प्रगट कीता। सचिव के. श्रीनिवास होरें आखेआ जे अपनी सांस्कृतिक विरासत लेई जाने जाने आहले लखनऊ च एह पुरस्कार पैहली बारी दित्ते ग ना।

<><><><><><>